


博古圖

雜
13
14册内

一
百
七


202
● ● |
/







安政七改



重修宣和博古圖錄卷第三

鼎二 二十四器

周

叔液鼎 銘二十三字

單從鼎 銘五字

舉鼎 銘一字

威君鼎 銘七字

鮮鼎 銘一字

伯邳父鼎 銘一十八字

節鼎 銘一字

仲僖父鼎 銘三十五字

大叔鼎 銘四字

齊莽史鼎 銘一十九字

乙公鼎 銘一十一字

嬭氏鼎 銘一十三字

寘父鼎 銘八字

虢生鼎 銘一十六字

絲駒父鼎 銘九字

豐鼎 銘六字

師秦宮鼎 銘四十七字

子父舉鼎 銘三字

繇鼎蓋 銘六字

宋夫人鼎蓋 銘八字

周叔液鼎





惟五月庚申

叔液自作饋

鼎用斲眉

壽萬年無疆

永壽用之

右高六寸四分耳高一寸六分闊一寸四分
 深四寸口徑六寸二分腹徑七寸一分容五
 升重六斤四兩三足銘二十三字曰叔液考
 諸前代叔液之名不見於經傳惟語記周之
 八士則有叔夜焉豈其族歟是器耳作雷形
 純緣飾以立螭足作蹄狀形制篆鏤皆周制
 也

周單從鼎




單景作從彝

右高四寸七分耳高一寸三分闊一寸三分
深二寸三分口徑長四寸五分闊三寸三分

腹徑長四寸一分闊三寸容一升一合重二斤十有四兩四足銘五字曰單景作從彝周有單子歷世不絕有襄公頃公靖公獻公穆公凡數世特景者不見諸經傳是器鼎也而曰彝蓋彝言其常曰從則如品之有從亦有所謂陪鼎者是也此鼎兩耳方而四足上飾獸面腹上有雙鳳形間以雷紋鳳之隱顯與夫雷之動作皆以其時著之紋飾豈徒爲哉

周舉鼎





舉

右高八寸九分耳高二寸一分闊二寸四分
深五寸七分口徑七寸九分腹徑九寸容一
斗一升三合重十有三斤二兩三足銘一字
曰舉器之銘舉者非特是鼎若父癸尊而銘
之曰中舉李公麟得古爵於壽陽而銘之曰
已舉王价得古爵於洛而銘之曰丁舉其有
見於銘者如此若杜舉洗而揚觶以飲平公
因謂之杜舉則又見於獻酬之制此銘一字

曰舉義有在於是歟觀其製作耳足與腹皆
純素不設文鏤而三面有饗饗狀間之雷紋
銘與商器皆近似而文過之周初器也

周威君鼎





之飼鼎

威泐君光

右高六寸八分耳高二寸四分闊二寸二分
深五寸九分口徑七寸八分腹徑八寸六分

容一升五合重八斤有半三足銘七字曰威
泐君光之飼鼎者威泐君考諸經傳無所見
然飼鼎者質之鼎彝有曰餗鼎取易覆公餗
之義有曰饋鼎以爲滷飯之器此曰飼者蓋
飼糧也王安石以謂行食爲糧是鼎得非用
之於行食耶腹間作蟠虬耳飾以雲紋足皆
狀獸字畫與許子鐘切類乃周末之物但闕
其蓋耳

周鮮鼎



鮮



右高一尺四寸九分耳高四寸二分闊四寸
八分深一尺一寸口徑一尺六寸腹徑一尺

七寸五分容七升三合重五十八斤三足銘
 狀一魚形按詩言誰能烹魚漑之釜鬻與夫
 混元所謂治大國若烹小鮮蓋烹鮮之術止
 於嚴水火之齊無所用力是鼎者烹飪奉薦
 享則烹鮮有職於此故因其魚形而以鮮名
 之且商之鼎彝多取象於物此鼎周器款識
 簡古不加紋鏤爲一魚形豈周因於商禮去
 商未遠餘風猶存耶不然何以純素如此

周伯邳父鼎





晉司徒伯郟父
作周姬寶尊鼎
其萬年永寶用

右高六寸二分耳高一寸九分闊二寸深四寸一分口徑八寸腹徑七寸八分容六升一合重六斤有半三足銘十有八字曰晉司徒伯郟父按晉以僖侯諱司徒故廢司徒為中軍稽之周歷晉僖侯之元年實周共和之二年推而下之至周平王之四十八年魯隱公始居攝蓋百有餘年矣孔丘作春秋斷自魯隱始則前乎此列國雖有名卿大夫往往無

復考按是以伯郵父之名不見於經傳此鼎
以獸飾足腹間著以蟠螭兩耳純緣皆素鬱
有古風殆成康時物也

周節鼎





節

右高六寸六分耳高一寸五分闊一寸八分
深四寸三分口徑六寸三分腹徑六寸六分
容四升七合重六斤十有二兩三足銘一字
曰節未詳其爲誰疑其名也是鼎耳足純素
純緣之下起六觚稜爲三獸面以蟠夔雷紋
爲飾腹間又作垂花中著以蟬紋蟲鏤精巧
其色瑟瑟寔晚周精工所致也

周仲儻父鼎



唯王五月初吉丁亥
 周伯臯及仲儻父
 我南淮節子金
 用作寶具鼎其萬
 年子子孫孫永寶用

右高八寸二分耳高二寸一分闊二寸三分
深五寸五分口徑五寸五分容一斗二升重
十有二斤三足銘三十五字夫天下有道禮
樂自天子出故凡彝器名物非下可得而專
若召虎之平淮夷宣王用以昭有功則於是
釐爾圭瓚秬鬯一卣伯臯及仲偁父有伐南
淮之勲則賜作寶鼎乃其宜也曰伯仲則又
言其昆弟也詩曰伯氏吹埶指昆弟耳昆弟
昭之也

皆知移孝以事其君於是有南淮之烈豈周
室之作人其盛有見於斯耶其銘諸蓋所以

昭之也

周大叔鼎



內
大
叔
鼎

大
叔
作
鼎

右高三寸九分耳高一寸闊八分深二寸二分口徑三寸四分腹徑四寸四分容一升重一斤十有三兩三足銘四字按春秋隱公元

年書鄭伯克段于鄆蓋鄭伯者鄭莊公也莊
公弟有曰共叔段者嘗請京使居之因謂之
曰京城大叔則大叔者莊公之弟耳大叔疆
跋遂繕甲兵以襲鄭而公伐京焉大叔入于
鄆公又伐鄆故春秋書其惡以爲昆弟之戒
而詩人有曰大叔于田以刺其多才而好勇
者是也然則是器乃大叔居京而作之耳其
爲周器可知

周齊莽史鼎





齊恭史喜作
寶鼎其眉
壽萬年子
孫永寶用

右高六寸八分耳高一寸八分闊二寸深四寸六分口徑七寸八分腹徑七寸九分容七升重八斤四兩三足銘一十九字曰齊莽史喜則古者太史順時觀土是為農官曰莽則雍氏掌殺草春始生而萌之夏日至而夷之秋繩而芟之冬日至而耜之故知莽而史之職也喜疑其為名若詩所謂田峻至喜則峻亦立農之官喜或以為田峻至喜之喜商父

乙鼎曰辰見北田作冊友史亦史以田言之
故知爲莽史明矣是器耳緣著雲雷之紋足
作蹄狀文鏤增華寔周器也

周乙公鼎





乙公作
尊鼎子子
孫孫永寶

右高一尺耳高二寸闊二寸二分深六寸九分口徑一尺一寸一分腹徑一尺一寸三分容二斗有半重一十九斤十兩三足銘一十一字按史記齊世家太公卒百有餘年乃有乙公得立則所謂乙公者太公之後而君於齊者也觀其器蝕缺成痕蓋非周初上齊之品其亦不純於古矣

周頌氏鼎



惠止收日
頌氏○鼎
未寶用○册

右高九寸三分耳高二寸闊一寸八分深六

寸有半口徑一尺五分腹徑一尺容一斗六
升四合重一十二斤十有四兩三足銘一十
三字按許慎嬭通作妘祝融之後姓也富辰
有曰叔妘而韋昭以妘爲妘姓之女今敬伯
雖於傳無見蓋亦祝融後姓而叔妘之族歟
冊冊也許慎謂象其札一長一短中有二編
之形符命也諸侯受命於王者故尊鼎之間
類多作此

周窋父鼎



右高六寸三分耳高一寸六分闊一寸七分



師寔父作
季吝尊鼎

深四寸一分口徑七寸六分腹徑七寸七分
容五升有半重六斤三兩三足銘八字師寔
父於經傳無所見惟周有簠蓋銘曰姬寔母
而此曰師寔父豈非作簠者寔之母而作鼎
者寔之父耶姬言其姓師舉其官耳吉姓也
左氏外傳有曰伯吉義母作匱有曰仲吉而
此曰季吉殆其族耶謂之尊鼎與魯公作文
王鼎而曰尊彝同意


周虺生鼎



○虺生室作
其鼎子子孫孫
萬年永寶用

右高六寸九分耳高二寸闊一寸五分深四寸九分口徑八寸六分腹徑八寸五分容八升七合重九斤三足銘十六字按左傳后羿有臣曰尫圍鄭有大夫曰公子尫此鼎雖古而款識曰年已非有夏之制則尫不可爲尫圍殆所謂公子尫耶謂之生亦猶鞞敦曰屈生之類是歟

周絲駒父鼎





絲駒父作

族鼎未實用

右高六寸九分耳高一寸八分闊二寸深四寸六分口徑八寸一分腹徑七寸九分容六升七合重五斤十有五兩三足銘九字曰絲駒父作族鼎未實用絲字頗漫滅未詳曰駒父則今所藏敦有仲駒父作仲姜敦左傳則有駒伯爲郤克軍佐駒其姓也有公子駒養衛則駒其名也此曰駒父其同駒伯爲姓耶曰族鼎則燕禮所謂士旅食左傳所謂庭實

旅百之旅也通體純素而商之簡古尤存特
銘款加詳知周物也

周豐鼎





豐用作玖

將鼎 葵

右高三寸二分耳高八分闊八分深一寸九分口徑長三寸二分闊二寸七分腹徑長三寸九分闊三寸三分容七合重一斤二兩四足銘六字曰豐用作玖將葵豐名也凡葵器不可得而專有必賜於君然後敢製焉謹君命而銘之故於是書其名是器如簋比它器為特小然銘文典古三代物也

周師秦宮鼎



惟五月既望王
于師秦宮王恪
于享廟王錫
敢對揚天子丕顯
休用作尊鼎
其萬年未寶用

惟五月既望王○
于師秦宮王恪○
于享廟王○錫○
○ ○ ○ ○ ○ ○ ○
敢對揚天子丕顯
休用作尊鼎○其
萬年未寶用

右高一尺耳高二寸五分闊二寸六分深七寸二分口徑一尺八分腹徑一尺容二斗重十有七斤銘四十七字磨滅不可考者十有二字曰惟五月既望者猶書朏望生明生魄以紀時紀日也其曰師秦宮則師秦之宮以名其人猶師寇師毀也王格于享廟而有錫焉則錫命而賞于祖也臣受命于君則當有以對揚之詩曰對揚王休書曰對揚天子之

休命此言敢對揚天子丕顯休蓋亦如是夫然後可以作鼎保用而祝之以萬年爲詞云


周子父舉鼎



子父舉

右高九寸四分耳高一寸八分闊一寸九分
深四寸一分口徑七寸二分腹徑六寸五分
容四升六合重六斤十有二兩三足銘三字
是器耳與腹皆素純緣之外以夔龍雷篆間
飾足亦作夔狀比他鼎形制爲特高銘曰子
父按古者父爲大夫子爲士則葬以大夫祭
以士父爲士子爲大夫則葬以士祭以大夫
是祭父皆從其子而鼎者祭所用之器又以
銘表著其祖考之美故祭統曰鼎有銘自名
者也是鼎也銘雖無文而特以子父識之其
下又爲舉字蓋取其以手致而與人之意則
知用之於父盡力以致享而不敢虛美其先
者也

周繇鼎蓋



宋公繇
之鍊鼎

右高一寸八分深一寸四分三圓環各徑圓
一寸重二斤十有三兩銘六字曰宋公繇作

鍊鼎且春秋帝乙之後微子爲宋公都商丘
大辰之墟自微子至景公益二十六年獲麟
之歲景公者名欒是所以爲宋公欒也作鍊
鼎者食器也易曰鼎折足覆公餗則銘以鍊
亦以爲飲食之節而已今所藏一鼎銘曰王
命敬繇一鼎曰繇女皆一時物也然二器皆
名之周蓋微子得用先王禮樂於周爲客是
宋也而謂之周

周宋夫人鼎蓋





宋君夫

人之鍊

釵鼎

右高一寸九分口徑六寸八分重二斤七兩
銘八字曰宋君夫人之鍊釵鼎古者邦君之
妻君稱之曰夫人夫人自稱曰小童邦人稱
之曰君夫人此言宋君夫人者邦人稱之也
鍊鼎實也猶易鼎卦之言公鍊也惜乎不得
其全考諸款識有曰宋公樂之鍊鼎者而此
謂之宋君夫人其字畫又切相類殆同時所
造也

重修宣和博古圖錄卷第三終

重修宣和博古圖錄卷第四

鼎四 三十一器

周

百乳方鼎一

百乳方鼎二

龍鼎

蟠虬鼎一

蟠虬鼎二

蟠虺鼎

蟠螭鼎一

蟠螭鼎二

蛟螭鼎一

蛟螭鼎二

蛟螭鼎三

蟠夔鼎

蟬紋鼎一

蟬紋鼎二

蟬紋小鼎

蟠夔鼎一

蟠夔鼎二

蟠夔平蓋鼎

夔龍雷紋鼎

夔龍侈口鼎

饗簋鼎

圓復饗饗鼎

盤雲饗饗鼎

素饗饗鼎

獸足鼎一

獸足鼎二

獸足鼎三

鱗紋鼎一

鱗紋鼎二

獸緣素腹鼎一

獸緣素腹鼎二

周白乳方鼎一




商周古圖

卷四

四



周百乳方鼎二



器高二尺二寸耳高五寸八分闊六寸
寸六分口徑長一尺七寸闊一尺

周龍鼎




博古圖

卷四

六

右高七寸一分耳高一寸七分闊一寸五分
深四寸四分口徑六寸三分腹徑六寸八分
容五升三合重五斤三足無銘是器著象若
龍傳曰龍以不制爲龍以其升降自如能小
能大或潛或躍善於變化而有利澤以及於
物也鼎之烹飪可以享上帝可以養聖賢其
爲用大矣所以特取象於龍蓋以求配其類
也

周蟠虬鼎一



周蟠虬鼎二



博古圖

卷四




前一器通蓋高一尺二寸三分耳高三寸二分闊二寸二分深七寸三分口徑九寸八分腹徑一尺二分容二斗共重一十九斤十有二兩三足無銘

後一器高五寸耳高一寸五分闊一寸六分深三寸二分口徑七寸六分腹徑六寸七分容四升重三斤七兩三足無銘

右前一器通蓋以蟠虬爲之飾三足皆獸狀腹周以綯紐蓋頂設六拱乘環後一器底平與它鼎稍異三足素而無紋惟純緣飾蟠虬之形二器皆以蟠虬爲之飾亦以示其不可妄動之意

周蟠虺鼎



右高六寸五分耳高一寸五分闊一寸八分
深三寸二分口徑八寸一分腹徑八寸二分
容四升七合重七斤有半三足無銘形制簡
右耳足純素周腹作蟠虺狀以虺爲飾蓋取
其備物者鼎所以爲象也此虺之紋有自作
焉

周蟠螭鼎一



周蟠螭鼎二




前一器高一尺二寸七分耳高三寸七分闊
三寸六分深七寸口徑一尺五寸七分腹徑
一尺五寸容四斗四升重二十四斤八兩三
足無銘

後一器高一尺二寸九分耳高四寸闊三寸
六分深七寸二分口徑一尺五寸腹徑一尺
五寸四分容四斗一升重二十六斤三足無
銘

右二器腹間飾以蟠螭狀隱起觚稜兩耳皆
偃而純素三足各設獸首製作悉同尤爲珍
異

周蛟螭鼎一



周蛟螭鼎二



周蛟螭鼎三



前一器高八寸二分耳高二寸闊二寸五分
深四寸八分口徑一尺八分腹徑一尺五分
容一斗四升重十有六斤八兩三足無銘
次一器高八寸二分耳高二寸四分闊二寸
五分深四寸四分口徑九寸容一斗一升重
十有三斤三足無銘

後一器高八寸四分耳高二寸闊二寸四分
深四寸八分口徑一尺八分腹徑一尺五分

容一斗三升五合重十有六斤六兩三足無
銘

右前一器耳有粟紋腹有垂花左右蟠以蛟
螭而足如之次一器以牛足爲三足耳作綯
紐而周以蛟螭之飾後一器耳足純素純綠
之外作蛟螭盤紆之狀比它鼎侈口而底稍
平蛟龍類而小螭似龍而無角皆爲物之類
昔人故象形於此焉

周獸足蟠夔鼎



右高一尺耳高二寸六分闊三寸一分深六寸五分口徑一尺三寸二分腹徑一尺二寸五分容二斗六升重二十五斤三足無銘是器通體作蟠夔狀兩耳飾以雷紋足爲獸首口侈而圜歷年滋久土花浸漬考之製作實三代物然與周器無異故以周云

周蟬紋鼎一



高五寸九分耳高二寸三分闊一寸五分深
三寸七分口徑五寸八分腹徑五寸二分容
三升重三斤十有三兩三足無銘

周蟬紋鼎二



高五寸耳高一寸闊一寸一分深二寸八分
口徑四寸三分腹徑四寸四分容一升四合
重二斤一兩三足無銘

右前一器形制類乙毛鼎飾以饗餐間之雷
篆下以蟬紋狀垂花之形後一器腹作蟬紋
加以夔龍間錯蓋易以鼎言象其擬諸形容
者故自有理蟬雖曰微物而可以喻大者以
其繩貪污者之義也

周蟬紋小鼎




右高四寸八分耳高九分闊六分深二寸七分口徑四寸二分腹徑四寸五分容一升三合重一斤二兩三足無銘按此器著以夔龍垂以蟬紋而下極銳製鍊之工與周繡鼎相類音徐廣謂侍臣加貂蟬以取清高鼎之爲飾安知其無是意耶況五德國具廉儉兼足是亦食器之間所宜尊者也

周蟠夔鼎一



周蟠夔鼎二



前一器高九寸三分耳高二寸六分闊二寸九分深六寸一分口徑九寸六分腹徑一尺四分容一斗七升有半重十有五斤三足無銘後一器高七寸二分耳高二寸闊二寸一分深四寸六分口徑八寸腹徑八寸三分容七升六合重七斤二兩三足無銘

右二器素耳獸足腹著蟠夔間以雷紋與蟠夔平蓋鼎切相類蓋一等物也

周蟠夔平蓋鼎



右通蓋高六寸九分耳高二寸六分闊一寸
八分深四寸九分口徑七寸腹徑七寸四分
容七升共重四斤十有二兩三足無銘是鼎
製作蟲鏤精妙而腹著蟠夔非秦漢冶鑄之
所能及頂蓋平上設四環周以雷紋比他周
鼎爲小異寔晚周物也

周夔龍雷紋鼎




右高八寸八分耳高二寸二分闊二寸八分
深五寸三分口徑七寸九分腹徑八寸七分
容一斗三升重一十三斤五兩三足無銘按
是鼎三面各作夔龍形而間以雷紋夔一足
山林之異獸又曰神魑古人作字以象其首
足蓋防其爲害昔禹之治水十一年於外非
惟水之爲治凡所以爲民害者莫不去之故
孟子謂驅龍蛇而放之菹及其已事則貢金
九牧鑄鼎象物使民入川澤山林不逢不若
故雖有魑魅魍魎莫能侵之今鼎之三面各
爲夔龍得不做是焉

周夔龍侈口鼎



右高一尺八寸六分耳高三寸七分闊三寸五分深一尺一寸六分口徑一尺六寸腹徑一尺三寸四分容五斗一升重五十斤三足無銘是器比他鼎特大純緣外作夔龍狀夔雖以足而其行或止龍雖不測而其用及弱鼎者夔龍義取諸此又其製作華妙侈其口頗與孟鼎略相似

周饗饗鼎



右高八寸九分耳高一寸八分闊二寸三分
深五寸九分口徑八寸一分腹徑九寸六分
容一斗一升有半重九斤四兩三足無銘素
耳直足不設文飾純緣作雷篆間以饗饗之
狀雖無款識以稽考世次蓋周初器也猶有
商之遺風焉

周圓腹饗餐鼎



右高六寸三分耳高一寸六分闊一寸五分
深三寸九分口徑五寸八分腹徑五寸三分
容三升有半重五斤一兩三足無銘鼎之爲
此象者多矣往往底分若鬲而惟此作圓腹
狀且腹著饗餐加以夔龍頗近類商公非鼎
豈周人取法於此耶

周盤雲饗簠鼎



右高一尺五寸四分耳高四寸七分闊五寸一分深八寸六分口徑一尺二寸四分腹徑一尺三寸五分容四斗八升重三十六斤一十兩三足無銘兩耳與腹皆素純緣之下飾三饗饗有鼻屹然而起間作雲氣盤鬱之象大槩與周獸緣素腹鼎相類蓋彝器著雲者頗多然其狀各隨其巧思或為旋雲或為垂雲或為盤雲要之莫不有施澤之意焉

周素饗食鼎



右高一尺二寸九分耳高二寸八分闊三寸五分深八寸口徑一尺一寸四分腹徑一尺一寸六分容三斗重三十五斤三足無銘製作渾厚然略無華藻腹間飾以饗食循環又間作回顧狀至三足則各爲蟠夔以各戴其器蓋取象羊豕鼎也但羊豕鼎有首有足而此足特作蟠夔耳

周獸足鼎一



周獸足鼎二



周獸足鼎三



前一器高九寸耳高二寸一分闊二寸三分
深六寸七分口徑九寸腹徑九寸六分容一
斗五升六合重八斤三足無銘

次一器高六寸九分耳高一寸七分闊二寸
深四寸五分口徑七寸三分腹徑七寸八分
容七升三合重八斤十有二兩三足無銘
後一器高一尺二寸五分耳高四寸一分闊
三寸九分深七寸三分口徑一尺六寸三分腹徑一

尺四寸八分容四斗七升三合重四十斤三足無銘
右前一器獸齧其耳腹著旋紋純緣之下飾
以蟠虬復以獸爲之足次一器純緣周以雲
紋而足狀以獸與前器頗相類後一器三足
爲獸形純緣脰腹之間遍著蟠虬兩耳偃然
如翼政與周偃耳鼎相似蓋器之製作自三
代而下文縟勝之其所以純厚簡古則與時
爲後先也是器爲周物無得而疑焉

周鱗紋鼎一




周鱗紋鼎二



前一器高七寸八分耳高二寸五分闊二寸五分深五寸一分口徑九寸四分腹徑九寸五分容一斗二合重七斤二兩三足無銘
後一器高六寸二分耳高一寸六分闊一寸八分深四寸口徑七寸三分腹徑七寸八分容五升有半重三斤八兩三足無銘


右二器耳爲對獸腹者鱗紋隱隱若動絕緣連絡間以蟠螭形前頗古蓋三代器也

周獸緣素腹鼎一



高一尺一分耳高二寸闊一寸四分深六寸五分口徑八寸九分腹徑九寸七分容一斗三升七合重十有二斤八兩三足無銘

周獸緣素腹鼎二



高六寸耳高一寸八分闊一寸二分深三寸
四分口徑五寸四分腹徑五寸七分容二升
八合重三斤三足無銘

右前一器耳腹純素緣足作獸紋後一器亦
以獸飾其緣而純素其腹既以示其樸而又
以戒其貪則鼎之爲象至矣然形模雖殊製
作一類惟周器有此自秦漢而下冶鑄所不
能爲也

重刊

重修宣和博古圖錄卷第四

終

